

KJKP "RAD" d.o.o. SARAJEVO
-VD DIREKTOR-
Broj: 05-03-04- /21
Sarajevo, 12.02.2021. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi

ODLUKU

o poništenju postupka javne nabavke novih guma za građevinske mašine i specijalna vozila – LOT 3

I

Obavještenje o nabavci broj 83-1-1-553-3-173/20 od 02.12.2020. godine, u dijelu koji se odnosi na LOT 3 - nabavka novih guma za građevinske mašine i specijalna vozila, poništiti će se i ponovo objaviti.

II

Odluka stupa na snagu danom donošenja.

OBRAZLOŽENJE

KJKP "RAD" d.o.o. je dana 02.12.2020. godine na portalu javnih nabavki BiH objavilo Obavještenje o nabavci kroz otvoreni postupak sa objavom obavještenja za izbor najpovoljnijeg ponuđača za nabavku guma, sa rokom dostave ponuda do 06.01.2021. godine.

Po otvorenom postupku za nabavku pristigle su dvije (2) ponude i to ponuda firmi „UNITRADE“ d.o.o. Ljubuški i „LIPRAD“ d.o.o. Ljubuški.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je sljedeće:

- Ponuđač „UNITRADE“ d.o.o. Ljubuški je u svojoj ponudi za poziciju broj 3 ponudio gumu koja se odnosi na traktor a ne na valjak, kako je to zahtjevano i za poziciju broj 9 je ponudio gumu koja ne posjeduje traženu karakteristiku 16 PR (ponuđeno je 14 PR). Budući da ponuda ovog ponuđača ne ispunjava zahtjevane tehničke karakteristike, ocijenjena je kao neprihvatljiva i nije uzeta u dalje razmatranje.
- Ponuđač „LIPRAD“ d.o.o. Ljubuški je u svojoj ponudi dostavio kopiju Potvrde o uredno izvršenom ugovoru koja nije ovjerena, iako je tačkom 13.3.c) Tenderske dokumentacije zahtjevano da se dostavi original ili ovjerena kopija iste. Dalje, ovaj ponuđač je u svojoj ponudi za poziciju 1 ponudio gumu koja ne zadovoljava traženu karakteristiku u pogledu indexa opterećenja (traženo 149 – ponuđeno 147), za poziciju 3 je ponudio gumu koja se odnosi na traktor a ne valjak kako je to traženo, za poziciju 4 je ponudio gumu koja se odnosi na traktore velike snage za rad na teškim poslovima u šumarstvu odnosno poljoprivredi a ne za traženu kombinovanu mašinu, za poziciju 15 nije definisan tip gume i za pozicije 16 i 17 je ponudio tip gume koji se odnosi na mobilne kranove (autodizalice) a ne za tražene finišere.

Ponude ovih ponuđača su ocijenjene kao neprihvatljive, budući da ponuđači nisu dostavili ponude u skladu sa traženim Tehničkim specifikacijama, te nisu uzete u dalje razmatranje.

Obzirom da se radi o otvorenom postupku javne nabavke za dostavu ponuda sa objavom Obavještenja kojim je previđeno sklapanje Okvirnog sporazuma sa jednim (1) ponuđačem a da nije dostavljena nijedna prihvatljiva ponuda, Komisija je utvrdila da nije zadovoljena stvarna konkurencija te da je postupak potrebno poništiti i ponovno objaviti, u skladu sa članom 69., stav (2), tačka d) Zakona o javnim nabavkama BiH.

Smatram da je Komisija pravilno postupila kada je uzela u obzir gore navedene činjenice i kada je predložila da se obavještenje poništi. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP "RAD", u pisanoj formi u roku od 10 dana od dana prijema ove Odluke kada je podnositelj saznao ili je trebao da sazna za navodnu povredu Zakona u toku konkretnog postupka.

v.d. DIREKTOR KJKP „RAD“

Mirsad Hošić, dipl. ing. maš.

DOSTAVITI:

- Ponuđačima;
- a/a